

130  
17. sept.

## REGLUGERÐ um vinnumiðlun.

### I. KAFLI

#### Stjórn og skipulag.

##### 1. gr.

Félagsmálaráðuneytið hefur á hendi yfirumsjón vinnumiðlunarinnar í landinu. Alþýðusamband Íslands og Vinnuveitendasamband Íslands tilnefna sinn trúnaðarmanninn hvort, er vera skulu ráðuneytinu til aðstoðar við allt það, er varðar vinnumiðlun í landinu.

##### 2. gr.

Í hverju því sveitarfélagi, sem vinnumiðlun er lögboðin, annast viðkomandi sveitarstjórn vinnumiðlunina. Sveitarstjórn er heimilt, ef hentara þykir, að fela bæjarstjóra, sveitarstjóra, oddvita eða sérstökum manni framkvæmd hennar.

Til aðstoðar sveitarstjórnnum um allt er varðar vinnumiðlun, skulu vera sérstakir trúnaðarmenn verkamanna og atvinnurekenda, svo sem lög um vinnumiðlun mæla fyrir um á hverjum tíma.

Trúnaðarmenn verkalyðsfélaganna skulu kjörnir af fulltrúaráðum þeirra, þar sem þau eru starfandi, ella kjósa stjórnir verkalyðsfélaganna þá sameiginlega á hverjum stað.

Trúnaðarmenn samkvæmt 2. mgr. skulu eiga aðgang að öllum gögnum, sem vinnumiðlunina varða.

##### 3. gr.

Bæjarstjórnnum er heimilt að reka sérstakar vinnumiðlunarskrifstofur, enda skulu trúnaðarmenn þeir, sem um getur í 2. gr. reglugerðar þessarar vera forstöðumanni þeirra til aðstoðar og ráðuneytis.

##### 4. gr.

Félagsmálaráðuneytið hefur, í samráði við trúnaðarmenn Alþýðusambands Íslands og Vinnuveitendasambands Íslands, eftirlit með því að lögboðin samvinna sveitarstjórna, fulltrúa verkamanna og atvinnurekenda sé sem nánust og hagkvæmust.

### II. KAFLI

#### Hlutverk vinnumiðlunar.

##### 5. gr.

Hlutverk vinnumiðlunar er:

- a. Að veita verkamönnum og atvinnurekendum endurgjaldslausa aðstoð um vinnusölu og vinnukaup, m. a. með því að afla nákvæmra upplýsinga hjá vinnuveitendum um lausar stöður og hverjar kröfur séu gerðar til starfsmanna þeirra, sem óskað er eftir, og með því að vísa atvinnuumsækjendum með viðeigandi hæfni og starfsþrek á fánlega vinnu.

Við ráðningu skal vinnumiðlunin taka tillit til lögheimilis, ómagaframbærslu, atvinnuleysistíma og innritunarraðar umsækjanda, sbr. 9. gr. reglugerðar þessarar.

- b. Að miðla vinnu milli verkamanna um land allt, eftir því sem unnt er hverju sinni, m. a. með því að senda upplýsingar um vinnuumsóknir og lausar stöður

til annarra vinnumiðlana og að greiða fyrir flutningum milli staða, svo að auð- 130  
veldara verði fyrir verkamenn að komast til staða þar sem atvinna við þeirra 17. sept.  
hæfi er fyrir hendi.

- c. Að veita öryrkjum og unglingum aðstoð við að finna vinnu við þeirra hæfi m. a. með því:
- að láta athuga og meta líkamlega og andlega hæfni öryrkja til starfa og aðstoða þá við að fá endurbjálfun.
  - að veita unglingum aðstoð við starfsbjálfun og leiðbeiningar um stöðuvatn.  
Leitað skal náins samstarfs við vinnuveitendur um það, að þeir láti öryrkjum og unglingum í té vinnu, sem er þess eðlis, að hún einkum hentaði fólki með takmarkaða starfsgetu.
- d. Að úthluta atvinnubótavinnu, svo og annarri vinnu, sem ríki, sveitarstjórn eða opinberar stofnanir óska að úthlutað sé.
- e. Að annast atvinnuleysisskráningar 1. febrúar, 1. maí, 1. ágúst og 1. nóvember ár hvert og láta auk þess fara fram atvinnuleysisskráningar eftir fyrir mælum sveitarstjórna eða félagsmálaráðherra.  
Atvinnuleysisskráning skal auglýst með a. m. k. þriggja daga fyrirvara og þess getið í auglýsingu hvar skráningin fari fram. Skráning skal fram fara á venjulegum skrifstofutíma og skal þeim, sem kunna vilja skrásetja sig, veitt móttaka eigi skemur en þrjú daga.
- f. Að veita opinberum stofnunum svo og verkalýðsfélögum og félögum atvinnurekenda upplýsingar um ástandið á vinnumarkaðnum á hverjum tíma, eftir því sem unnt er, þ. á m. upplýsingar um lausar stöður og tölu atvinnulausra og hagi þeirra.
- g. Að láta launþegum, sem hafa óskað eftir aðstoð við vinnuráðningar, og hyggjast sækja um atvinnuleysisbætur, í té vottorð um atvinnu þeirra eða atvinnuleysi það tímabil, sem þeir hafa verið skráðir sem umsækjendur um atvinnu.
- h. Að aðstoða, eftir því sem þörf krefur, félagsmálaráðuneytið eða aðrar stofnanir hins opinbera, sem vinna að áætlunum á sviði efnahags- og félagsmála, er ætlað sé að tryggja hagkvæmt ástand í vinnumálum.
- i. Að inna af höndum önnur þau störf, er félagsmálaráðherra kann að fela henni eða ákveðnar kunna að verða í lögum eða reglugerðum.

### III. KAFLI

#### Skráning umsækjenda um atvinnu.

##### 6. gr.

Sérhver maður getur snúið sér til vinnumiðlunar og óskað aðstoðar hennar við útvegum atvinnu sér til handa.

Sá, sem óskar slíkrar aðstoðar, skal afhenda vinnumiðlun umsókn sína um atvinnu á þar til gerðu eyðublaði.

Í umsókninni skulu vera upplýsingar um eftirtalin atriði:

- Nafn umsækjanda, fæðingardag og ár, lögheimili hans, síma, hjúskaparstétt, börn á framfæri hans, yngri en 16 ára, og aðra ómaga á hans framfæri.
- Stéttarfélag, sem hann er meðlimur í, aðal- atvinnu hans, aukaatvinnu, atvinnuréttindi, hverrar atvinnu hann óski og hvort hann hyggist biðja um vottorð vegna atvinnuleysisbóta.
- Tekjur umsækjanda af eigin eign og eigin atvinnu, bætur frá almannatryggingunum, atvinnutekjur hans síðustu 6 mánuði, vinnuveitanda og vinnutímabil síðustu 12 mánuði. Samsvarandi upplýsingar varðandi maka hans og börn, sem eru á framfæri hans yngri en 16 ára.

- 130 d. Atvinnuleysi umsækjanda síðustu 6 mánuði.  
 17. sept. e. Annað, er máli kann að skipta.

Umsóknin skal staðsett og dagsett og undirrituð af umsækjanda.

#### 7. gr.

Þegar vinnumiðlun hefur borizt umsókn um atvinnu, sbr. 6. gr., frá manni, sem ekki hefur áður verið innritaður, skal umsóknin merkt rétttri skráningartölu og honum afhent innritunarskírteini.

Á innritunarskírteini skal færa skráningartölu og nafn umsækjanda. Skal skírteinið útbúið með dálkum, sem skrá skal í mánaðardag og ár, þegar umsækjandi mætir hjá vinnumiðluninni. Vera skal sérstakur dálkur fyrir umsóknartölu umsækjanda, en það er sú tala, sem segir til um það, hvar umsækjandi er í röð þeirra manna, sem sótt hafa um atvinnu, en að öðru jöfnu skal sá ganga fyrir um atvinnu, sem lægri hefur umsóknartölu, sbr. 5. gr. a., 2. mgr. Í dálk þennan skal færa umsóknartölu þá, sem umsækjandi hefur, þegar hann mætir, eða þá nýju umsóknartölu, sem umsækjanda ber, hafi hann verið afskráður, síðan hann mætti síðast, sbr. 15. gr., 1. og 2. mgr., og 11. gr., 1. mgr.

Umsækjandi skal jafnan framvísa innritunarskírteini sínu, er hann mætir hjá vinnumiðluninni.

#### 8. gr.

Vinnumiðlunin skal halda spjaldskrá um alla þá, er leitað hafa aðstoðar hennar, sbr. 6. gr. Skal færa allar þær upplýsingar, sem um ræðir í 6. gr., á þar til gert spjald og skal hver umsækjandi hafa slíkt spjald á skránni, sem merkt skal skráningartölu hans. Á spjaldi þessu skal auk þeirra upplýsinga, sem um ræðir í 6. gr., einnig vera skýrsluform, er greini frá öllum ráðningarráðstöfunum varðandi umsækjandann. Skýrsluform þetta skal sýna umsóknartölu umsækjanda, skráningardag hans og afskráningardag, svo og greina orsökina fyrir því, að hann er afskráður. Á spjaldinu skulu vera dálkar, sem í skal skrá upplýsingar um tímabil, tölu virkra daga, sem umsækjandi hefur verið atvinnulaus á því tímabili, sem um er að ræða, svo og dálkur fyrir tekjur.

#### 9. gr.

Þegar umsækjandi hefur samband við vinnumiðlun, sbr. 15. gr., 1. og 2. mgr., skal hann gefa skýrslu um atvinnu sína á þar til gerðu eyðublaði.

Á skýrslu þessa skal skrá nafn umsækjanda og skráningartölu. Gefa skal upplýsingar um vinnuveitendur þá, sem hann hefur unnið hjá síðan hann mætti síðast hjá vinnumiðluninni, tímabil, virka atvinnuleysisdaga og tekjur, svo og aðrar þær upplýsingar, sem máli skipta. Skýrsla þessi skal stað- og dagsett og undirrituð af umsækjanda.

#### 10. gr.

Þegar vinnumiðlunin hefur fengið skýrslu þá, er um ræðir í 9. gr., færir hún upplýsingar þær, er skýrslan geymir á spjald umsækjanda, sbr. 8. gr. Enn fremur ritar hún mánaðardag og ár í innritunarskírteinið, sbr. 7. gr., 2. mgr., svo og umsóknartölu umsækjanda, sem er hin sama og var við síðasta mót umsækjanda, hafi hann mætt hjá vinnumiðluninni innan tiltekins tíma, sbr. 15. gr., 1. og 2. mgr.

#### 11. gr.

Ef umsækjandi hefur ekki samband við vinnumiðlun innan 7 daga eða innan þess skemmri tíma, sem vinnumiðlun kann að hafa ákveðið, sbr. 15. gr., 1. mgr., skal umsækjandi afskráður og athugasemd um það færð á spjald hans í spjaldskránni, sbr. 8. gr.

Komi umsækjandi síðar til vinnumiðlunar, fær hann nýja umsóknartölu. Vinnu- **130**  
miðlunin ákveður þá, hvort hann skuli rita nýja umsókn um atvinnu, sbr. 6. gr., eða **17. sept.**  
hvort umsækjandi skuli aðeins gefa skýrslu samkvæmt 9. gr. Nýjar upplýsingar sam-  
kvæmt umsókn eða skýrslu skulu þá færðar á spjald umsækjanda, sbr. 8. eða 10. gr.  
Skal þá jafnframt færa hina nýju umsóknartölu á spjaldið, sbr. 8. gr., og í innritunar-  
skírteinið, sbr. 7. gr.

12. gr.

Vinnumiðlunin skal færa dagbók um alla þá, sem sótt hafa um atvinnu. Skal  
í bók þessa færa mánaðardag þann, sem umsækjandi gefur sig fram, nafn hans,  
umsóknartölu, skráningartölu og atvinnugrein hans. Enn fremur skal færa í bók  
þessa afskráningardag, þegar hann er ráðinn, eða hefur vanrækt mót innan þess  
tíma, sem ákveðinn er samkvæmt 15. gr., 1. og 2. mgr., enn fremur nafn vinnuveit-  
anda þess, sem hann er ráðinn hjá, og skrásetningartölu hans, sbr. 19. gr., og starfs-  
grein þá, sem hann ræðst til.

Bók þessi skal færð daglega jafnskjótt og tilefni gefast til.

13. gr.

Fái vinnumiðlunin tilkynningu um að atvinnulaus maður, sem leitað hefur að-  
stoðar hennar um útvegum vinnu, sé fluttur búferlum úr umdæmi vinnumiðlunar-  
innar, skal hún þegar senda spjald viðkomandi manns með öllum árituðum upp-  
lýsingum til vinnumiðlunar þeirrar, sem starfar í umdæmi því, sem maðurinn  
flyzt til.

#### IV. KAFLI

##### Um vottorð vegna atvinnuleysisbóta.

14. gr.

Þeir, sem óska aðstoðar vegna atvinnuleysis og hyggjast fá vottorð vinnumið-  
unar, skulu láta vinnumiðluninni í té allar þær upplýsingar, sem varða hag þeirra  
og atvinnu og eru háðir þeim fyrirmælum, sem nánar greinir í 15. gr. reglugerðar  
þessarar.

Það varðar umsækjanda viðurlögum samkvæmt almennum hegningarlögum, ef  
hann gefur vinnumiðlun vísitandi rangar upplýsingar um hag sinn og atvinnu.

15. gr.

Rétt er vinnumiðluninni að krefjast þess, að umsækjandi hafi samband við  
hana eins oft og þurfa þykir, og geri grein fyrir atvinnu sinni.

Umsækjandi skal þó eigi mæta sjaldnar en vikulega hjá vinnumiðluninni, og  
skal hvers móts getið á spjaldskrá hans og athugasemd um það færð á innritun-  
arskírteini hans.

Ef sjö dagar líða eða sá skemmri tími, sem vinnumiðlunin kann að hafa ákveðið,  
sbr. 1. mgr. þessarar greinar, án þess að umsækjandi mæti, skal líta svo á, að hann  
óski ekki eftir aðstoð eða vottorði vinnumiðlunarinnar, þar til hann hefur látið  
skrá sig á ný.

Umsækjandi skal tafarlaust tilkynna vinnumiðluninni, ef hann fær vinnu án  
atbeina hennar. Sömuleiðis skal hann tilkynna vinnumiðluninni brottför úr um-  
dæmi hennar og forföll vegna veikinda.

16. gr.

Hver sá, er telur sig eiga rétt til atvinnuleysisbóta samkvæmt lögum nr. 29 7.  
apríl 1956, getur krafizt þess, að vinnumiðlun láti honum í té vottorð í tvíriti um

**130** atvinnu hans eða atvinnuleysi það tímabil, sem hann hefur verið skráður sem um-  
17. sept. sækjandi um atvinnu, sbr. 14. og 15. gr.

Í vottorði þessu skal upplýst um eftirfarandi atriði:

- a. Fullt nafn umsækjanda.
  - b. Fæðingardagur hans og ár.
  - c. Heimilisfang hans.
  - d. Hvort hlutaðeigandi hafi á síðustu 12 mánuðum stundað a. m. k. samtals 6 mánuði vinnu, sem goldin er samkvæmt kjarasamningi eða kaup-taxta verkalýðsfélags, sbr. lög nr. 29 7. apríl 1956.
  - e. Hve marga virka daga umsækjandi hafi verið atvinnulaus á síðustu 6 mánuðum.
  - f. Hve marga virka daga umsækjandi hafi verið atvinnulaus á síðustu 18 dögum virkum. Hafi heimildin um lengri biðtíma verið notuð, skulu upplýsingarnar varða hinn ákveðna lengri biðtíma í stað 18 daga.
  - g. Af hvaða ástæðum hefur umsækjandi misst atvinnu sína.
  - h. Hvort umsækjandi sé vinnufær. Ef hann er það ekki, þá af hvaða ástæðum hann er ekki vinnufær.
  - i. Hvort umsækjandi hafi neitað vinnu, sem vinnumiðlunin hefur boðið honum, og skal þá greina ástæður hans fyrir synjuninni.
  - í. Hverjar tekjur umsækjandi, maki hans og börn, yngri en 16 ára, hafa haft á síðustu 6 mánuðum.
  - j. Hvort umsækjandi, maki hans og börn, yngri en 16 ára, hafi tekjur, þrátt fyrir atvinnuleysið, og ef svo er, hverju þær nemi.
  - k. Aðrar upplýsingar, sem máli kunna að skipta.
- Vottorð þetta skal stað- og dagsett og undirritað af þeim, sem annast vinnu-  
miðlun á þeim stað.

Hver sá, sem fengið hefur vottorð samkvæmt 2. mgr., og telur sig eiga rétt til áframhaldandi atvinnuleysisbóta, getur krafizt nauðsynlegs vottorðs í tvíriti þar að lútandi hjá vinnumiðluninni. Skal vottorð þetta geyma upplýsingar um eftirtalin atriði:

- a. Sömu atriði og um er rætt í 2. mgr. þessarar greinar, stafliðum a.—c.
  - b. Hve marga virka daga umsækjandi hefur verið atvinnulaus síðan síðasta vottorð vinnumiðlunar var gefið út.
  - c. Sömu atriði og um er rætt í 2. mgr. þessarar greinar, stafliðum í. og j.
  - d. Aðrar upplýsingar, sem máli kunna að skipta.
- Vottorð þetta skal stað- og dagsett og undirritað með sama hætti og vottorð samkvæmt 2. mgr. þessarar greinar.

17. gr.

Í samráði við fulltrúa verkamanna og atvinnurekenda, sbr. lög nr. 52 frá 1956, 2. gr., skal vinnumiðlunin, um hver áramót, ákveða hvað skuli teljast meðalárs-tekjur verkamanna og verkakvenna á sínu starfssvæði næstliðið ár, sbr. lög nr. 29 frá 1956, 16. gr. f.

## V. KAFLI

### Skráning vinnuveitenda.

18. gr.

Sérhver vinnuveitandi á rétt á því, að snúa sér til vinnumiðlunar og óska aðstoðar hennar um ráðningu verkafólks eða annarra starfsmanna.

Vinnuveitandi, sem óskar slíkrar aðstoðar, skal þá símleiðis eða bréflega gera vinnumiðluninni grein fyrir eftirtöldum atriðum:

- a. Nafni sínu og heimilisfangi, síma sínum og starfsgrein. 130
- b. Til hverra starfa vinnuafis er óskað, hve margra starfsmanna er óskað, til hve 17. sept.  
langs tíma og hvar vinnustaður sé.
- c. Launakjörum og öðrum skilmálum.
- d. Öðrum atriðum, sem máli kunna að skipta.

## 19. gr.

Upplýsingar þær, sem vinnumiðlun fær frá vinnuveitanda, sbr. 18. gr., færir hún inn á þar til gert eyðublað, sem hún tölusetur í áframhaldandi töluröð og verður tala sú, sem skráð er á eyðublaðið, skráningartala vinnuveitandans.

Á eyðublaði þessu skal og vera skýrsluform fyrir ráðningar. Skal þar getið ráðningardags, skráningartölu launþega, sem ráðinn er, svo og umsóknartölu hans, nafns hans, heimilisfangs og þeirrar atvinnu, sem hann er ráðinn til.

## 20. gr.

Allir þeir, sem hafa með höndum fastan atvinnurekstur með aðkeyptu vinnuafli verkamanna í kaupstöðum og kaupúnum með 300 íbúa eða fleiri, skulu eigi sjaldnar en mánaðarlega senda þeim, er vinnumiðlun annast á staðnum, afrit af kaupgjaldsskrám sínum, enda séu þær þannig úr garði gerðar, að auðvelt sé að sjá af þeim, hve mikil upphæð hefur verið greidd í vinnulaun hverjum einstökum manni á þeim tíma, er skráin nær yfir.

Þeir, sem vinnumiðlun annast, skulu, að fengnum tillögum frá Vinnuveitendasambandi Íslands, láta útbúa eyðublöð fyrir þessar kaupgjaldsskrár og skulu þau afhent atvinnurekendum ókeypis.

## VI. KAFLI

## Um atvinnuleysisskráningu.

## 21. gr.

Vinnumiðlunin skal gera skýrslur um alla atvinnulausa menn, er mæta við hinar lögboðnu atvinnuleysisskráningar hjá vinnumiðluninni, sbr. 5. gr., 5. tl. Þar skal færa upplýsingar um atvinnu, ómagafjölda, afkomu og hag mannsins, svo að fljótlega megi fá glögggt yfirlit um möguleika hans til sjálfsbjargar.

## VII. KAFLI

## Ýmis ákvæði.

## 22. gr.

Þeir, sem annast hina lögboðnu vinnumiðlun, skulu ársfjórðungslega senda félagsmálaráðuneytinu ítarlega skýrslu um starfsemi sína, þ. á m.:

1. Um framboð á vinnuafli, fjölda, kyn, aldur, starfsorku, atvinnugrein, ómagafjölda og heimilisfang allra atvinnulausra manna, sem leitað hafa aðstoðar vinnumiðlunarinnar síðasta ársfjórðung.
2. Um eftirspurn eftir vinnuafli og skal þar greina frá kyni og fjölda starfsmanna, sem þörf hefur verið fyrir síðasta ársfjórðung og þeir flokkaðir eftir atvinnugreinum. Enn fremur skal greina frá nafni og heimilisfangi vinnukaupenda.
3. Um allar þær ráðningar, sem fram hafa farið að tilhlutan vinnumiðlunarinnar á síðasta ársfjórðungi.
4. Um alla atvinnulausa menn, er mæta við hinar lögboðnu atvinnuleysisskráningar með upplýsingum um kyn, aldur, starfsorku, atvinnu, ómagafjölda og hag þeirra.

130

17. sept.

23. gr.  
 Þeir, sem annast lögboðna vinnumiðlun, mega ekki veita óviðkomandi aðilum neinar þær upplýsingar, sem vinnukaupendur eða vinnuseljendur, er til þeirra leita, hafa veitt þeim.

24. gr.

Almenn vinnumiðlun, rekin í ágóðaskyni, er óheimil.  
 Félagsmálaráðuneytið hefur eftirlit með félagssamtökum þeim eða öðrum aðilum, sem annast vinnumiðlun án endurgjalds, og tryggja raunhæfa samvinnu milli þeirra og hinnar lögboðnu vinnumiðlunar.

25. gr.

Félagsmálaráðuneytið lætur gera eyðublöð og bækur, sem nota þarf samkvæmt ákvæðum þessarar reglugerðar, sbr. þó 20. gr.

26. gr.

Brot gegn reglugerð þessari varða sektum allt að kr. 10 000.00 til ríkissjóðs og skal fara með þau að hætti opinberra mála.

Reglugerð þessi er hér með sett samkvæmt 6. gr. laga nr. 52 9. apríl 1956, um vinnumiðlun, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 17. september 1956.*

**Hannibal Valdimarsson.**

*Hjálmar Vilhjálmsson.*

131

21. sept.

## REGLUGERÐ

### um húsnæðismálastjórn.

1. gr.

Í húsnæðismálastjórn eiga sæti sjö menn, valdir af félagsmálaráðherra, þar af einn eftir tilnefningu Landsbanka Íslands. Varamenn skulu vera jafnmargir og valdir á sama hátt. Húsnæðismálastjórn skiptir með sér störfum, sbr. þó 2. gr.

2. gr.

Ráðherra tilnefnir þrjú menn úr húsnæðismálastjórn til þess að hafa á hendi framkvæmdir á hennar vegum, svo sem:

- Ákvarðanir um A-lán til íbúðabygginga úr veðdeild Landsbanka Íslands, samkv. lögum nr. 55/1955. Þó skulu sparisjóðir og lífeyrissjóðir, er kaupa vaxtabréf veðdeildarinnar, hafa ákvörðunarrétt um það, hverjir fái tilsvarende lán, svo og sparisjóðir, bankar og aðrir, er veita lán beint til lántakenda samkvæmt b-lið 5. gr. laga nr. 55/1955.
- Ráðstafanir á fé því, sem varið er til útrýmingar heilsuspillandi íbúðum, sbr. II. kafla laga nr. 55/1955 og reglugerð nr. 5/1956.
- Stjórn tæknideildar, sbr. 2. gr. laga nr. 55 1955.
- Eftirlit það, sem um ræðir í 2. gr. laga nr. 63 21. ágúst 1956, um afnot íbúðarhúsa í kaupstöðum.
- Stjórn daglegrar starfsemi á vegum húsnæðismálastjórnar.